

CLARISSIMI VIRI CON IULII **H**YGI⁶⁹
 GINI AVGVSTI LIBERTI, DE SIGNORVM
 cœlestium historiis, Liber II.



Ed quoniam quæ nobis de terre positione dicenda fuerunt, & spheram totam definiuimus. Nunc quæ in ea signa sunt nominabimus sigillatim. E quibus igitur primum, duas arctos & draconem, deinde arctophylacæ cum corona dicemus. Cæterum qui engonasin uocatur, exinde lyram cum Olöre & Cepheo et eius uxore Cassiopeia, filiâq; Andromeda & genito Perseo. Dicemus etiam protinus aurigam à Græcis *ἄριος* appellatam. Ophiuchum præterea, cum sagitta, & aquila, paruoq; delphine. Inde equum dicemus, cum eo sideræ quod deloton uocatur, his corporibus enumeratis ad duodecim signa peruenimus. Ea sunt hæc, aries, taurus, gemini. Deinde cancer cum leone & uirginem. Præterea libra dimidia pars scorpionis, & scorpius cum sagittario, & capricorno. Aquarius uero cum piscibus, reliquas habet partes. His connumeratis suo ordine est cetus cum Eridano flumine & lepore. Deinde Orion cum cane, & eo signo quod procyon dicitur, præterea est Argo cum Cætauro & ara. Deinde hydra cum pisce qui notius uocatur. Horum omnium non inutile uidentur historias proponere, quæ ceteræ aut utilitatem ad scientiam, aut iocunditatem ad delectationem afferent lectori.

Arctos maior.



Gitur ut supra diximus initium est nobis arctos maxima. Hanc autem Hesiodus ait esse Calisto nomine, Lycaonis filiam, eius qui in Arcadia regnauit, eamque studio uenationis inductam, ad Dianam se applicuisse, à qua non mediocriter esse dilectam propter utriusque consimilem naturam. Postea autem ab Ioue compressam, ueritatem Dianæ suam dicere euentum, quod diutius celare non potuit. Nam iam utero ingrauescente propediè partus, in flumine corpus exercitatione defessum, cum recrearet, à Diana cognita est non seruasse uirginitatem: cui dea pro magnitudine suspicionis non minorem retulit poenam. Erepta enim facie uirginali in ursæ speciem est conuersa, quæ græce arctos est appellata. In ea figura corporis Arcada procreauit. Sed ut ait, Amphiscomædiarum scriptor, Iupiter simulatus effigiem Dianæ, cum uirginem uenantem ut adiurans persequeretur, amotam à conspectu cæterarum compressit, quæ rogata à Diana quid ei accidisset quod tam grandi utero uideretur, illius peccatum id euenisse dixit. Itaque propter eius responsum in quam figuram supra diximus, eam Diana conuertit. Quæ cum in syluam ut fera uagaretur, à quibusdam Aetolorum capta, ad Lycaonem pro munere in Arcadiam cum filio est deducta. Ibi dicitur in scia legis in Iouis Lycei templum se coniecisse, quam cœlestium filius secutus est. Itaque cum eos Arcades insecuti interficere conarentur, Iupiter memot peccati, ereptam Calisto cum filio inter sidera collocauit. Eamque arctum, filium autem Arctophylacæ nominauit, de quo postea dicemus. Nonnulli etiam dixerunt cum Calisto ab Ioue esset compressa, Iunonem indignatam in ursam eam conuertisse, quam Dianæ uenanti obuiam factam ab ea interceptam, & postea cognitam inter sidera collocatam, sed alii dicunt: Cum Calistonem Iupiter esset in sylua persecutus, Iunonem suspicatum, illud quod euenit, contendisse, ut eum manifeste diceret deprehendisse. Iouem autem quo facilius suum peccatum tegetetur, in ursæ speciem conuersam reliquisse. Iunonem autem in eo loco pro uirgine ursam inuenisse, quam Dianæ uenanti ut eam interficeret demonstrasse: quod factum ut perspiceretur Iouem egre tulisse, effigiem ursæ stellis figuratam constituisse. Hoc signum, ut plures dixerunt, non occidit, & qui uolunt aliqua de causa esse institutum, negant Thetin Oceani uxorem id recipere, cum reliqua sidera eò perueniant in occasum, quod Theris Iunonis sit nutrix, cui Calisto succubuerit ut pellex. Arietus autem Tegeates historiarum scriptor, non Calisto sed Megisto dicit appellatam, & non Lycaonis, sed Cætei filiam, Lycaonis neptem. Præterea Cætea ipsum engonasin nominari. Reliqua uero superioribus conueniunt, quæ res in Nonacti monte Arcadiæ gesta narratur.

f ; Hanc Aglaia

Arctos minor.



Anc Aglaosthenes qui Naxica cōscripsit, ait Cynosuram esse, unam de Iouis nutricibus, ex Ideis nymphis, ab eius quoque nomine & urbem quę Hestiaa uocatur, à Nicoftrato & sodalibus eius constitutam & portū qui ibi est, et agri maiorem partem, Cynosuram appellatā. Hanc autem inter Cures retas fuisse, qui Iouis fuerunt administri. Nonnulli & Helicem & Cynosuram nymphas esse Iouis nutrices dicunt, & hac re etiam pro beneficio in mundo collocatas, & utraq; Arctos nuncupatas, quas nostri Septentriones dixerūt. Sed maiorem arctum complures plaustrum similem dixerunt, & amaxam gręce appellarunt. Cuius hęc memorię prodita est causa. In initio qui sidera peruiderūt & numerum stellarum in unaquaq; specie corporis cōstituerūt, quod non arctū sed plaustrū nominauerūt, ex septem stellis duę quę pariles & maxime in uno loco uiderentur, pro bobus haberentur, reliquę uero quinque figuram plaustrum simularent. Itaque & quod proximum huic est signum Bootem nominari uoluerūt, de quo posteriora plura dicemus. Aratus quidem non hac re Bootem nec illud plaustrum dicit appellari, sed quod arctū uideatur ut plaustrum circum polum, qui boreas appellatur uersari, & Bootes agitare eam dicatur. In quo nō mediocriter uidetur errare. Postea autem de vii. stellis ut Parmeniscus ait, quinque sunt à quibusdam astologis constitutę, ut ursę species non septem stellis perficeretur. Itaque & ille qui antea plaustrum sequēs Bootes appellabatur, Arctophylax est dictus. Et iisdem temporibus quibus Homerus fuit, hęc arctos est dicta. De septentrionibus enim ille dicit, hęc utroque nomine et arctum & plaustrū nominari. Bootis autē nusquā meminuit Arctophylax dici. Incidit etiam cōpluribus erratio, quibus de causis minor arctos Phœnice appellaretur, & illi qui hanc obseruant uerius & diligentius nauigare dicātur, & quare si hęc sit certior quā maior, non omnes hanc obseruent, qui nō intelligere uidentur de qua historia sit profecta ratio ut Phœnice diceretur. Thales enim qui diligenter de his rebus exquisiuit & hęc primus arcton appellauit, natione fuit Phœnix, ut Herodotus Milesius dicit. Igitur omnes qui Peloponessum incolūt priore utūtur arcto, Phœnices autē quam à suo in uentore acceperūt obseruant, & hanc studiosius perspicendo diligentius nauigare existimantur, & uere eam ab inuentoris nomine Phœnicen appellant.

Serpens.

Hic uasto corpore ostēditur inter duas arctos collocatus, qui dicitur aurea Hesperidū custodisse, et ab Hercule interfectus, à Iunone inter sidera collocatus, quod illius opera Hercules ad eum est profectus qui hortum Iunonis tueri solitus existimatur. Ait enim Pherecydes, Iunonem cum duceret Iupiter uxorem, Terrā inuenisse serentem aurea mala cum ramis. Inde Iunonem admiratam petisse à terra ut in suis hortis sereret, qui erant usque ad Atlantem montem. Cuius filię cum sæpius de arboribus mala decerpent, Iuno dicitur hunc ibi custodem posuisse, hoc etiam signi erit quod in sideribus supra eum draconem Herculis simulachrum ostenditur, ut Eratosthenes demonstrat, quare quoduis licet intelligere hunc maxime draconem dici. *Nonnulli etiam dixerunt hunc draconem à Gygātibus Mineruę obiectum esse, cum eos oppugnaret, Mineruam uero arreptum draconem contortum ad sidera iecisse & ad ipsum axem cœli fixisse. Itaque adhuc eum implicato corpore uideri, ut nuper ad sidera perlatum.

Arctophylax.



De hoc fertur quod sit Arcas Calistonis & Iouis filius, quem dicitur Lycaon cum Iupiter ad eum in hospitium uenisset, cum alia carne concisum pro epulis apposuisse. Studebat enim scire si deus esset, qui suum hospitium desideraret. Quo facto non minori pœna est affectus, nam statim Iupiter mensa proiecta, domum eius fulmine incendit. Ipsum autem in figuram lupi conuertit. At pueri membra collecta & composita in unum, dedit cuidam Aetolorum alendum, qui adolescens factus, in syluis cum uenaretur inscius uidit matrem in ursę speciem conuert-

sam,

Oui, uidetur Lycon ipsum pro Boote accipere li. 6. Faslorū, sic enim inquit, Tertia post nomas remouere Lycaon a Phœbe fertur, et à tergo non habet urfa metum.

sam, quam interficere cogitans persecutus est in Iouis Lycei templum, quo & qui accessisset, mors poena erat Arcadū lege. Itaq; cum utrunq; necesse esset interfici, Iupiter eorum miserus, ereptos inter sidera collocauit, ut ante diximus. Hic autem è facto sequēs utram perspicitur, & arcum seruans Arctophylax est appellatus, Nonnulli hunc dixerunt Icarium Erigones patrem, cui propter iusticiam & pietatem, existimatur Liber Pater uinum & uitam & uiam tradidisse, ut ostenderet hominibus quomodo fereretur, & quid ex eo nasceretur, & cum esset natum id, quomodo uti oporteret, qui cum se uisisset uitam & diligentissime administrando floridam salce fecisset, dicitur hircus in uineam se coniecisse & quæ ibi tenerrima folia uideret, decerpisse, quo facto Icarium animo irato tulisse eum q; interfecisse, & ex pelle eius utrem fecisse, ac uento plenū praeligasse & in medium proiecisse, suos q; sodales circa eū saltate coegisse. Itaq; Eratothenes ait *Ικαρίου υιοσι πρῶτα τα περι σπάρτου ὀρχήσαντο*. Alii dicunt Icarium cum à Libero Patre uinum accepisset, statim utres plenos in plaustrum imposuisse. Hac re etiā Bootem appellatum, qui cum perambulans Atticorum fines, pastoribus ostenderet, nonnulli eorum auuiditate pleni uo- Bootes uo genere potus inducti somno consopiantur. Atq; ut alii aliam se in partem reiciunt ut semimortua membra iactantes, alia ac decebat loquebantur, reliqui eorum arbitrati uenenum ab Icario datum pastoribus ut eorum pecora abigeret in suos fines, Icarium interfectum in puteum deiecerunt, sed ut alii demonstrant, secundum arborem quandam defoderunt. Qui autem obdormierant expectati cum se nunquam melius quiesse faterentur, ac requirerent Icarium ut pro beneficio numeraretur, interfectores eius animi conscientia permoti statim se fuge mandauerunt, & in insulam Aetolorum peruenerunt, à quibus ut hospites recepti domicilia sibi constituerunt. At Erigone Icarii filia permota desiderio parentis cum eum non redire uideret, ac persequi eum conaretur, canis Icarii cui Mera fuerat nomen, ululās ut obitum domini lachrymari uideretur, tedit ad Erigonem cui non minimam cogitatae mortis suspicionem ostendit. Neq; enim puella timida suspicari debebat nisi patrem interfectum, qui tot dies ac menses abesset. At canis uestem eius tenens dentibus perducit ad cadauer, quod filia simul ac uidit desperata spe solitudine ac pauperiæ oppressa, multis miserata lachrymis, in eadem arbore, sub qua pater sepultus uidebatur suspendio mortem sibi conscuit: cui mortuæ canis spiritu suo parentauit. Nonnulli hunc in puteum se deiecisse dixerunt, Anigrum nomine, quare posita neminem ex eo puteo bibisse memoriæ tradiderunt. Quorum casum Iupiter miseratus in astris corpora eorum deformauit. Itaq; complures Icarium Bootem, Erigonem uirginem nominauerunt, de qua posterius dicemus. Canem autem, sua appellatione et specie Caniculā dixerunt, quæ à græcis quod ante maiorē canē exoritur Porcyon appellatur, Alii hos à Libero Patre figuratos inter sidera dicunt. Interim cū in finibus Atheniensium multæ uirgines sine causa suspendio sibi mortem consciscerent, quod Erigone moriens erat præcata ut eodem leto filiarum Atheniensium afficerentur, quo ipsa foret obitura nisi Icarii mortem persecuti & eum forent ulti. Itaq; cum id euenisset, ut ante diximus, petentibus eis, Apollo dedit responsum, Si uellent euentu liberati, Erigone satisfacerent. Qui quod ea se suspenderat, instituerunt, uti tabula interposita pendente, funibus se iactarent, ut qui pendentes uento mouerentur. Quod sacrificium solenne instituerunt, itaq; & priuatim & publice faciunt, & id aletidas appellant, quod eam patrem persequentem cum Aletidæ cane, ut ignotam & solitariam oportebat, mendicam appellabant, quas Græci aletidas nominant. Præterea canicula exoriens æstu eorum loca & agros fructibus orbabat, & ipsas morbo affectos poenas Icario cum dolore sufferre cogebat, quod latrones recepissent quorum rex Aristæus Apollinis & Cyrenes filius Actæonis tempore petiit à parente, quo pacto calamitate ciuitatem posset liberare, quem deus iubet multis hostiis expiare. Icarii mortem & ab Ioue petere ut quo tempore canicula exoriretur dies quadraginta uentum daret, qui æstum caniculæ mederetur. Quod iussum Aristæus confecit, & à Ioue impetravit ut Etelias flarent quas nonnulli Etelias dixerunt quod quotannis certo tempore

exoriuntur, græce enim eros annus latine est. Nonnulli etiam Aetefias appellauerunt, quod expostulate sunt ab Ioue & ita concessæ. Sed hoc in medio relinquatur, ne nos omnia præcipuisse existimemur. Sed ut ad propositum reuertamur, Hermippus qui de sideribus scripsit, ait Cererem cum Iasione Electræ & Coryti filio concubuisse, quamobrem fulmine percussum, complures cum Homero dixerunt. Ex his ut Petellides Gnosius historiarum scriptor demonstrat, nascuntur filii duo Phylomelus & Plutus, quos negant inter se conuenisse. Nam Plutum qui ditior fuit nihil fratri suo de bonis concessisse, Phylomelum autem necessario adductum, quodcumque habuit, eo boues duos emisse, & ipsum primum plaustrum fabricatum esse. Itaque arando & colendo agros ex eo se aluisse, cuius matrem miratam inuentum, ut arantem eum inter sidera constituisse & Boetæ nominasse. Ex hoc autem Pareanta demonstrat natum, qui de suo nomine pari & oppidum Parona appellauit.

Corona.



Aec existimatur Ariadne fuisse à Libero Patre inter sidera collocata. Dicitur enim in insula Dia cum Ariadne Libero nubere, hanc primum muneris accepisse à Venere & Horis, cum omnes dii in eius nuptiis dona conferrent, sed (ut ait qui Cretica conscripsit) quo tempore Liber ad Minoa uenit, cogitans Ariadnem comprimere, hanc coronam ei muneri dedit, qua delectata, non recusauit conditionem stupri. Dicitur etiam à Vulcano facta ex auro & Indicis gemmis, per quas Theseus existimatur de tenebris labyrinthi ad lucem uenisse, quod aurum & gemmæ in obscuro fulgore luminis efficiebant. Qui Argolica scripserunt hanc afferunt causam, quod Liber cum impetrasset à parente, ut Semelè matrem ab inferis reduceret, & quærens ad eos descensionem, ad Argiuorum fines peruenisset, obuium ei quendam factum, nomine Hypolipnum, hominem dignum eius seculi, qui petenti Libero, descensionem monstrauit. Hunc autem cum uidisset Hypolipnus puerum ætate miranda corporis pulchritudine reliquis præstantem, mercedem petiisse ab eo, quæ sine detrimento eius daretur. Liberum autem matris cupidum, si eam reduxisset iurasse, quod uellet, se facturum, ita tamen quod Deus homini impudenti iuraret, pro quo Hypolipnus descensum monstrauit. Igitur cum Liber ad eum locum uenisset, & uellet descendere, coronam quam à Venere acceperat deposuit in eo loco, qui Stephanus factus appellatus. Noluit enim secum ferre ne immortale donum mortuorum tactu coinquinaretur: qui cum matrem incolumem reduxisset, coronam dicitur in astra collocasse, ut æterna memoria nominis efficeretur. Alii dicunt hanc Coronam Thesei esse, & hac re propter eum collocatam. Nam qui dicitur in astris Engonasin, is Theseus esse existimatur, de quo posterius plura dicemus. Dicitur enim cum Theseus Cretam ad Minoa cum septem uirginibus & sex pueris uenisset, Minoa de uirginibus Peribœam quandam nomine, candore corporis inductum, comprimere uoluisset, quod cum Theseus passurum se negaret, ut qui Neptuni filius esset, & ualeret contra Tyrannum pro uirginis incolumitate decertare. Itaque cum non iam de puella, sed de Thesei genere controuersia facta fuisset, utrum is Neptuni filius esset, nec ne, dicitur Minos anulum aureum de digito sibi detraxisse, & in mare proiecisse, quem referte iubet Thesea, si uellet se credi Neptuni filium esse. Se enim ex Ioue procreatum facile posse declarare. Itaque comprecatus patrem petiit, aliquid, ut satisfaceret se ex eo natum: statimque tonitrum & fulgorem cæli, indicium significationis fecisse. Simili de causa Theseus sine ulla præfatione, aut religione parentis, in mare se proiecit, quem confestim delphinum magna multitudo mari prouoluta, lenissimis fluctibus ad Nereidas perduxit, à quibus anulum Minois & à Theide coronam quam nuptiis à Venere muneri acceperat, retulit, compluribus lucentem gemmis. Alii autem à Neptuni uxore accepisse dicunt. Coronam Ariadne Theseus dono dicitur dedisse, cum ei propter uirtutem & animi magnitudinem uxor esset concessa, hanc autem post Ariadnes mortem, Liberum inter sidera collocasse.

Hunc Era,

Engonasin.

Hunc Eratosthenes Herculem dicit, supra Draconem collocatum, de quo ante diximus, eumque paratum ut ad decertandum, sinistra manu pellem leonis, dextera clauam tenentem. Conatur interficere draconem Hesperidum, qui nunquam oculos operuisse somno coactus existimatur, quo magis custos esse demonstratur. De hoc etiam Panyasis in Heraclea dicit: horum igitur pugnam Iupiter admittatus inter astra constituit. Habet enim Draco caput erectum, Hercules autem dextro genu nixus, sinistro pede capitis eius dextram partem opprimit, conatur, dextera manu sublata ut feriens, sinistra proiecta cum pelle leonis, ut is quam maxime dimicans appareat, & si sit, qui negat hic, (ut Aratus) quicquam posse demonstrari, tamen conabimur ut aliquid uerisimile dicamus. Aratus autem, ut supra diximus, hunc Cetea Lycaonis filium, Megistus patrem dicit esse, qui uidetur ut lamentas filiam, in uersa figuram conuersam genu nixum palmas aduersas tendere ad caelum ut eam sibi Dii restituant. Hegesianax autem Thesea dixit esse, qui Trozene saxum extollere uidetur, quod existimatur Aegeus sub eo saxo Pelopiū enssem posuisse, & Aethrae Thesei matris praedixisse, ne ante eum Athenas mitteret quam lapide sublato sua uirtute potuisset gladium referre. Itaque niti uidetur, quam altissime potest, ut extollat. Hac etiam de causa nonnulli lyram, quae proxima est ei signo collocata Thesei esse dixerunt, quod ut eruditus omnium artium lyram quoque didicisse uidebatur. Id quoque Anacteon dicit *ἄλλο θεῖος ἐσο λύρη*, Alii dicunt Thaminin à musis excæcatum, ut supplicem ad genua iacentem dicunt: alii Orpheam à Thraciis mulieribus interfici, quod uiderit Liberi Patris initia. Aeschylus autem in fabula quae inscribitur Prometheus Lyomenos, Herculem ait esse non cum dracone, sed cum Liguribus depugnantem. Dicit enim quo tempore Hercules à Geryone boues abduxerit, iter fecisse per Ligurum fines, quos conatos ab eo abducere pecus, manus contulisse, & quam plures eorum sagittis, cōfixisse. Sed postquam Herculi tela deficerent multitudinem barbarorum & inopia armorum defessum, se ingeniculasse, multis iam uulneribus acceptis. Iouem autem miserum filii, curasse ut circa eum magna copia lapidum esset, quibus se Herculem defendisse & hostes fugasse. Itaque Iouem in similitudinem pugnantis inter sidera constituisse. Hunc etiam nonnulli Ixiona brachiis uinctis esse dixerunt, quod uim Iunoni uoluerit afferre. Alii Prometheam in monte Caucaſi uinctum.

Lyra.

Lyra autem inter astra constituta est, hac, uti Eratosthenes ait, de causa quod initio à Mercurio facta de testudine, Orpheo est tradita, qui Calliopes et Oeagri filius fuit, eius rei maxime studiosus. Itaque existimatur suo artificio feras etiam ad se audiendi causa allucuisse, qui quærens uxoris Euridices mortem ad inferos descendisse existimatur, & ibi deorum progeniem suo carmine laudasse, praeter Liberum Patrem, hunc enim obliuione ductus praetermisit, ut Oeneus in sacrificio Dianam, postea igitur Orpheus, ut etiam plures dixerunt, in Olympo monte, qui Macedonia diuidit à Thracia, sed ut Eratosthenes ait, in Pangæo sedens, cum cætu delectaretur, dicitur ei Liber bacchas obieciſſe, quæ corpus eius decerperent interfecti. Sed alii dicunt, quod initia Liberi sit speculatus, id ei accidisse. Musas autem collecta membra sepulturae mandasse, & lyram quo maxime potuerunt beneficio, illius memoriae causa figuratam stellis inter sidera constituisse, Apollinis & Iouis uoluntate, quod Orpheus Apollinem maxime laudaret. Iupiter uero filio beneficium concessit. Alii autem dicunt Mercurium cum primam lyram fecisset, in Cyllene monte Arcadie, septem chordas instituisse ad Atlantidum numerum, quod Maia una ex illarum numero esset, quæ Mercurii est mater. Deinde cum postea Apollinis boues abegisset deprehensus ab eo, quo sibi facilius ignosceret, petenti Apollini ut liceret sibi se dicere inuenisse lyram concessit, et ab eo uirgulam quandam muneris accepit, quam manu tenens Mercurius, cum proficisceretur in Arcadiam & uidisset duos dracones, inter se coniuncto corpore, alium alium appetere, ut qui dimicare inter se uideretur, uirgulam inter utrumque proiecit. Itaque discesserunt, quo facto eam uirgulam pacis causa dixit esse constitutam.

Nonnulli

De his campis
lapide complu-
tis etiam Cato
in Originibus,
& Mela lib. 2.
Geog. meminit

Nonnulli etiam cum faciunt caduceos, duos dracones implicatos uirgula faciunt, quod initium Mercurio fuerat pacis. Eius exemplo, & athletæ & in reliquis eiusmodi certationibus uirgula utuntur. Sed ut ad propositum reuertamur. Apollo lyra accepta dicitur Orpheus docuisse, & postquam ipse cytharam inuenit, illi lyram concessisse. Nonnulli dixerunt Venerem cum Proserpina ad iudicium Iouis uenisse, cui earum Adonin concederet, quibus Calliopen à Ioue datam iudicem, quæ musa Orphei est mater. Itaque iudicasse, uti dimidiam partem anni earum unaquæque possideret. Venerem autem indignatam, ut non sibi proprium concessisset, obiecit omnibus, qui in Thracia sunt mulieribus, ut Orpheus amore inductus, ita sibi quæque appeteret, ut membra eius discerneret: cuius caput in mare de monte perlatum, fluctibus in insulam Lesbion est reiectum, quod ab his sublaturum & sepulturæ est mandatū, pro quo beneficio ad musicam artem ingeniosissimi existimantur esse. Lyra autem à musis (ut ante diximus) in astra constituta est. Nonnulli aiunt quod cum Orpheus primus puerilem amorem induxerit mulieribus, uisum contumeliam fecisse, & hac re ab eis interfectum.

Olor.



concupisceret

Vnc Græci Cygnum appellant: quem cōplures propter ignotam historiam illis, cōmuni genere auium Ornin nominauerūt, de quo hæc memoriam prodita est causa. Iupiter cum amore inductus, Nemese diligere cepisset, neque ab ea ut secum cubaret impetrare potuisset, hac cogitatione amore est liberatus. Iubet enim Venerem aquilam simulatam se sequi, ipse in olotem cōuersus ut aquilam fugiens ad Nemese fugit, et in eius gremio se colocaluit, quem Nemesis non aspernata amplexum tenens, somno est confopita, quam dormientem Iupiter compressit. Ipse autem auolauit, & quia ab hominibus alte uolans cœlo uidebatur, inter sidera dictus esse constitutus, quod ne falsum uideretur, Iupiter è facto eum uolantem & aquilam consequentem collocauit mundo. Nemesis autem ut quæ auium generi esset iuncta, mensibus actis, ouum procreauit, quod Mercurius auferens, destulit Spartam, & Ledæ sedenti proiecit in gremium, ex quo nascitur Helena ceteris corporis speciem præstans, quam Leda suam filiam nominauit. Alii autem cum Leda Iouem concubuisse in olotem conuersum dixerant, de quo in medio relinquimus.

Cepheus.

Vnc Euripides, cum ceteris, Phœnicis filium Aethiopum regem esse demonstrauit, Andromedæ patrem, quam ceto proposita notissimæ historiæ dixerūt. Hanc autem Perseum à periculo liberatam, uxorem duxisse, itaque ut totum genus eorum perpetuo maneret, ipsum quoque Cepheam inter sidera superiores numerasse.

Cassiopeia.

DE hac Euripides & Sophocles & alii plures dixerūt, ut gloriata sit, se forma Nereidas præstare, pro quo facto inter sidera sedens in siliquaastro constituta est, quæ propter impietatem uertente se mundo resupinato capite ferri uidetur.

Andromeda.

Hæc dicitur Mineruæ beneficio inter astra collocata propter Persei uirtutem, quod eam ceto propositam à periculo liberatam, nec enim ab ea minorem animi beneuolentiam pro beneficio accepit. Nam neque pater Cepheus neque Cassiopeia mater ab ea potuerunt impetrare, quin parentes ac patriam relinquens Persea sequeretur, sed de hac Euripides hoc eodem nomine fabulam commodissime scribit.

Perseus.

Hic nobilitatis causa, & quod in uisitato genere concubitionis esset natus, ad sidera dicitur petuuisse, qui missus à Polydeste Magnetis filio ad Gorgonas, à Mercurio, qui eum dilexisset existimatur, talaria & petasum accepit. Præterea galeam qua indutus ex aduerso non poterat uideri. Itaque Græci *aidō* galeam dixerūt esse, non ut quidam inscientissime interpretantur eum Orci galea usum, quæ res nemini docto potest probari. Feratur etiam.

tur etiam à Vulcano falcem accepisse ex adamante factam, qua Medusam Gorgonam interfecit, quod factum nemo conscripsit. Sed ut ait Eschylus Tragediarum scriptor in Phorcis, Græcæ fuerunt Gorgonum custodes, de quo in primo libro Genealogiarum scripsimus, quæ utraq; uno oculo usæ existimantur. Et ita suo quæq; tempore accepto oculo uigilias egisse. Hunc Perseus una earum tradente exceptum in paludem Tritonida proiecit. Itaq; custodibus exceptis, facile Gorgonam somno cõsopitam interfecit. Cuius caput Minerua in pectore dicitur habere collocatum. Euemerus quidem Gorgonam à Minerua dicit interfectam. De qua alio tempore plura dicemus.

Heniochus.



Vnc nos autigam latine dicimus nomine Erichthoniũ ut Eratosthenes monstrat, quem Iupiter cum uidisset primum inter homines equos quadrigis iunxisse, admiratus est ingenium hominis, ad Solis inuenta accessisse, quod princeps quadrigis inter deos est usus, sed Erichthonius et quadrigas, ut ante diximus, & sacrificium Mineruæ & templum in arce Atheniensium primum instituit, de cuius progenie Eurypides ita dicit, Vulcanum Mineruæ pulchritudine corporis inductum, petiisse ab ea, ut sibi nuberet, neq; impetrasse & cepisse Mineruam sese occultate in eodem loco, qui propter Vulcani amorem Hephæstius est appellatus, quo persecutum Vulcanũ ferũt, cepisse ei uim afferre, & cum plenus cupiditatis ad eam ut complexui se applicaret ferretur, repulsus, effudit in terrã uoluptatem. Quo Minerua pudore permota, pede puluerem iniecit. Ex hoc autem nascitur Erichthonius anguis, qui ex terra & eorum dissensione nomen possedit. Eum dicitur Minerua in cistella quadam, ut mysteria cõtectũ ad Erechthei filias detulisse, & his dedisse seruandum, quibus interdixit ne cistulam aperirẽt. Sed ut hominũ est natura cupida ut eo magis appetant quo interdicatur sapius, uirgines cistellam aperuerũt & anguem uiderũt. Quo facto infania à Minerua iniecta de arce Atheniensium se præcipitauerunt: Anguis autem ad Mineruæ clypeum confugit, & ab ea est educatus: alii autem anguina tantũ crura habuisse Erichthoniũ dixerunt, eum q; primo tempore adolescentiæ ludos Mineruæ Panathæna fecisse, & ipsum quadrigis cucurrisse, pro quibus factis inter sidera dicitur collocatus. Nonnulli qui de sideribus scripserunt, hunc natione Argeum Orsilochũ nomine, primum quadrigarũ inuentorẽ esse dixerunt, & pro inuentione siderũ locum possedisse. Alii autem hunc Mercurii filium ex Clytia natũ nomine Mytilũ Oenomaĩ autigam diffinierũt, cuius post notam omnibus mortem patens corpus in mundo constituisse existimatur. Huius in humero sinistro capra instare & in manu sinistra hœdi uidentur formati, de quibus nonnulli ita dicunt, Olenum quendã fuisse nomine Vulcani filiũ. Ex hoc duas nymphas Aega & Aelicẽ natas, quæ Iouis fuerũt nutrices. Alii autem ab his etiã urbes quasdã appellari dixerũt & Olenon in Aulide, Aelicẽ autem in Peloponneso & Aegam in Aemonia nominari, de quibus Homerus in Iliade secundo dicit. Parmeniseus autem ait Melissea quendã fuisse Crete regem ad cuius filias Iouẽ nutriendum esse delatũ, quæ quod lac non habuerint, capram ei admisisse, Amaltheam nomine, que dicitur eum educasse. Hanc autem geminos hœdos solitam esse procreare, & ferẽ eo tempore peperisse, quo Iupiter nutriendus est allatus. Itaq; propter beneficium matris & hœdos quoq; dicitur inter sidera collocasse, hos autem hœdos Cleostratus Tenedius dicitur primum inter sidera ostendisse. † Museus autem dicit Iouis nutrices Athemidem & Amaltheam nymphas, quibus eum mater Ops tradidisse existimatur. Amaltheam autem habuisse capram quandam, ut in delitiis, quẽ Iouẽ dicitur aluisse. Nonnulli etiã Aegam Solis filia dixerunt, multo candore corporis præstantẽ, cui cõtrarius pulchritudini horribilis aspectus existebat, quo Titanes perterriti petierunt à terra ut eius corpus obscuraret, quam terra specu quodam celasse dicitur in insula Creta, quæ postea † Iupitris fuisse nutritrix, ut ante ostendimus, demonstratur. Sed cum Iupiter fidens adolescentia, bellũ contra Tyranas appareret, responsum est ei si uincere uellet ut Aegos pelle tectus & capite

Mnasæas. alij sic legunt. Mnasæa dicit Iouem nutritum à Themide et Amalthea nympha. Iouis

Gorgonis

Gorgonis bellum administraret, quam Aegida græci appellarūt. Itaq; factū eo quod supra declarauimus, Iupiter Tytanis superans regnum est adeptus, & reliqua ossa ægos caprina pelle contexta anima donauit, & stellis figuratam memoriæ commenda uit, & postea quibus ipse uicerat tectus, Mineruæ concessit. Euemetus ait Aegam quandam fuisse Panos uxorem, eam compressam à Ioue peperisse, quem uiti sui Panos diceret filium. Itaq; puerū Aegyptana, Iouem ueto Aegiochum dictum: qui, quod eum diligebat plurimum, inter astra capræ figura memoriæ causa collocauit.

Ophiuchus.



Phiuchus qui apud nostros scriptores Anguitenés dictus est, supra Scorpionem cōstitutus, tenens manibus anguē, mediū corpus eius implicantem. Hunc complures Carnubutam dixerūt nomine, Getarum regem, qui sunt in Mysia regione, fuisse, qui eodem tempore regno est potitus, quo primum semina frugum mortalibus tradita esse existimantur. Ceres enim cum sua beneficia largiretur hominibus Triptolemum, cuius ipsa fuerat nutrix in curru draconum collocatum: qui primus hominum una rota dicitur usus, ne cursu moraretur, iussit omnium nationum agros circūeuntem semina partiti, quo facilius ipsi posteti q; eorum à fero uictu segregarentur, qui cum peruenisset ad eum, quem supradiximus Getarum regem, ab eo primum hospitaliter acceptus, deinde non ut beneficiis aduena & innocens, sed ut crudelissimus hōstis insidiis captus, aliorum dum paratus est producere, suam pene perdidit uitam. Carnabutæ enim iussu cum draco unus eorū esset interfectus, ne cum Triptolemus sensisset insidias sibi parari, currus præsidium sibi constituere speraret, Ceres eō uenisse, & erepto adolescenti currum, dracone altero subiecto reddidisse, regem autē procepto maleficio pœna nō mediocri affecisse narratur: Hegesianax dicit, Cererem memoriæ hominum causa, ita Carnubutam syderibus figurasse, manibus tenentem, ut interficere draconem existimetur, qui ita uixerat acerbe, ut iocundissimam sibi conscisceret mortem. Alii autem Herculé esse demonstrāt in Lydia apud flumen Sagarim, anguem interficientem, qui & homines complures interficiebat & ripam frugibus orbabat. Pro quo factū à regina Omphale quæ ibi regnabat, multis ornatū muneribus Argos remisum. Ab Ioue ueto propter fortitudinem inter sydera collocatum. Nonnulli etiam Triopam Thessalorum regem dixerant esse, qui cum suum domiciliū tegere conaretur, Cereris ab antiquis collocatum, diruit templum. Pro quo factū à Cerere fame obiecta, nunquam postea frugibus ullis saturati potuisse existimatur, Nouissime prope ad terminū uitæ, dracone obiecto mala plurima perpeffus, aliquādo mortem adeptus, in astra Cereris uoluntate, est constitutus. Itaq; adhuc uidetur eum draco circumplexus æterna mentem afficere pœna. Polizeius autem Rhodius hunc Phorbanta nomine demonstrat, qui Rhodiis auxilio maximo fuisse demonstratur. Nam cum eorum insulam serpentiā multitudinem occupatam, ciues Ophiusam appellassent, & in ea multitudine ferarum, draco fuisset ingenti magnitudine qui plurimos eorū interfecisset, & patria deniq; deserta carere cōegisset: dicitur Phorbantas Triope filius ex Thyocla Myrmydonis filia natus eō tempestate delatus, omnes feras & eū draconē interfecisse, qui cum maxime Apollini dilectus esset, locatus in cœlo interficiens draconem, laudis & memoriæ causa uidetur. Itaq; Rhodii quotienscunq; à littore longius prodeunt classes, prius sacrificant Phorbantis aduentui, ut illis talis euentus inopinata uirtutis accidat ciuibus, qualis inscium Phorbanta futuræ laudis ad sydera gloriæ pertulit casus. Complures etiam astrologi hūc Aesculapium finxerunt, quem Iupiter Apollinis causa inter astra collocauit. Aesculapius enim cum esset inter homines & tantum medicina cæteris præstaret, ut non satis ei uideretur hominum dolores leuare, nisi etiam mortuos reuocaret ad uitam, nouissime fertur Hippolytum qui iniquitate noueræ & inscitia parētis erat interfectus sanasse, ita Eratosthenes dicit. Nonnulli Glaucum Minoos filium, eius opeta reuixisse dixerunt, pro quo, ut peccato, Iouem domū eius fulmine incendisse. Ipsum ueto propter artificium & Apol

& Apollinem eius patrem inter sidera anguem tenentem constituisse, ut quidam dixerunt, hac de causa anguem tenere dicitur: quod cum Glaucum cogeret sanare concius quodam loco secreto, bacillum tenens manu, cum quid ageret, cogitaret, dicitur anguis ad bacillum eius arrepsisse, quem Aesculapius mente commotus interfecit bacillo fugientem feriens sapius. Postea fertur alter anguis eodem uenisse, ore ferens herbam, & in caput eius imposuisse, quo facto, loco fugisse, quare Aesculapium usum eadem herba & Glauco reuixisse. Itaque anguis & in Aesculapii tutela & in astris dicitur collocatus, qua consuetudine ducti posteri eius tradiderunt ut reliqui medici anguibus uterentur.

Sagitta.



Ante unam de Herculis telis esse demonstrat qua aquilam dicitur interfecisse, quae iocinora Promethei fertur exedisse: de quo pluribus uerbis dicere non uideretur in utile. Antiqui cum maxima cerimonia deorum immortalium sacrificia administraret, soliti sunt totas hostias in sacrorum consumere flamma. Itaque cum propter sumptus magnitudinem sacrificia pauperibus non contingerent, Prometheus qui propter excellentiam ingenii miram, homines finxisse existimatur, recusatione dicitur ab Ioue impetrasse, ut partem hostiae in ignem proiicerent, partem in suo consumeret usu. Idque postea consuetudo firmavit: quod cum facile a deo non ut ab homine auaro, impetrasset, ipse Prometheus immolat tauros duos, quorum primum iocinora cum in ara posuisset, reliquam carnem ex utroque tauro in unum composita, corio bubulo texit. Ossa autem quae circum fuerunt, reliqua pelle cōtecta, in medio collocavit, & Ioui fecit potestatem, ut quam uellet eorum consumeret partem. Iupiter autem & si non pro diuina fecit cogitatione, nec ut deum licebat omnia qui debuit ante providere, sed (quoniam credere institimus historiis) deceptus a Prometheo, utrumque putans esse taurum, delegit ossa pro sua dimidia parte. Itaque postea in solennibus & religiosis sacrificiis carne hostiarum consumpta, reliquias, quae pars fuit deorum eodem igni cōburunt. Sed ut ad propositum reuertamur, Iupiter cum factum rescisset, animo permoto mortalibus eripuit ignem, ne Promethei gratia plus deorum potestate ualeret, ne ue carnis usus utilis hominibus uideretur, cum coqui non posset. Prometheus autem consuetus insidiari, sua opera ereptum mortalibus ignem restituere cogitabat. Itaque ceteris remotis uenit ad Iouis ignem, quo diminuto & in ferulam cōiecto, letus ut uolante non currere uideretur, ferulam iactans, ne spiritus interclusus uaporibus extingueret in angustia lumen. Itaque homines adhuc plerumque, qui laticiae sunt nuntii, celerrime ueniunt. Praeterea totum a certatione ludorum cursoribus instituerunt ex Promethei consuetudine, ut currerent lampadem iactantes. Pro quo Iupiter factum mortalibus partem gratiam referens, mulierem tradidit his, quam a Vulcano factam deorum uoluntate omni munere donauit. Itaque Pandora est appellata. Prometheum autem in monte Scythiae, nomine Caucaaso, ferrea catena uinxit: quae alligatum ad triginta milia annorum Aeschylus tragœdiarum scriptor dixit. Praeterea admisit ei aquilam, quae assidue noctu resuscitentia iocinora exesset. Hanc autem aquilam nonnulli ex Typhone & Echidna natam, alii ex Terra & Tartaro, complures a Vulcano factam. Polyzeus autem Vulcani factam manibus demonstrat, animamque ei ab Ioue traditam dicunt. Sed eius de solutione hanc memoriae proditam esse causam. Cum Iupiter Thetidis connubiū pulchritudine corporis indutus peteret, neque a timida uirgine impetraret, neque ea te minus efficere cogitaret, illo tempore Parca cecinisse feruntur fata, quae perfici natura uoluit rerum, dixerunt enim quicumque Thetidis fuisset maritus, eius filium patria fore laude clariorem, quod Prometheus non uoluntate sed necessitudine uigilans auditum, Ioui nunciauit, qui ueritus ne id quod ipse Saturno patri fecisset, in simili causa patris regno priuatus cogeret, destitit Thetim uelle ducere uxorem, & Prometheo pro beneficio meritam retulit gratiam, eumque uinculis liberauit, neque quod illi fuerat iuratus remisit, uacuum omni alligationi futurum. Sed memoriae causa ex utraque re hoc est lapide & ferro sibi digitum uincite iussit, qua

g consuetu*

consuetudine homines ufi quo satisfacere Prometheo uiderentur, annulos lapide & ferro conclusos habere cœperunt. Nonnulli etiam coronam habuisse dixerunt, ut se uictorem impune peccasse diceret. Itaq; homines in maxima læticia uictores q; coronas habere constituerunt. Id in exercitationibus & conuiujs perspicere licebit, sed opinio est: ad initium et interitum aquilę reuertamur. Hercules missus ab Eurystheo ad Hesperidũ nrala, nescius uia deuenit ad Promethea, quem in Caucaſo môte uinctum supra diximus, a quo uia demonstrata, pattaq; uictoria ad eum iter facere contendit, ut & draconem, de quo ante diximus, interfectum diceret & gratiam pro beneficio redderet. Nam cõfestim honorem quem potuit reddidit merenti.* Qua dimissa homines instituerunt ut hostijs immolatis iocinora consumerent in deorum altaribus, ut saturare eos per uiscera uisceribus Promethei uideretur. Vt Eratosthenes autem de sagitta demonstrat, hac Apollo Cyclops interfecit, qui fulmen Iouis fecerunt, quo Aesculapium interfectum complures dixerunt. Hanc autem sagittam in Hyperboreo monte Apollinem defodisse, cum aut Iupiter ignouerit filio, ipsam sagittam uento ad Apollinem perlatam, cum frugibus, quæ eo tempore nascebantur. Hanc ergo ob causam inter sidera demonstratur.

De Aquila.



Quila hæc est quę dicitur Ganymedẽ rapuisse & amãti Ioui tradidisse. Hanc etiam Iuppiter primus ex auium genere delegisse sibi existimatur, quæ sola tradita est memoriæ, contra solis orientis rãdios cõtendere ualere. Itaq; super aquariũ uolante uidetur. Hunc enim cõplures Ganymedẽ esse sinxerũt. Nonnulli etiam dixerunt Meropem quendam fuisse, qui Coam insulam tenuerit regno & a filia nomine Coon & homines ipsos a se Meropas appellaret. Hunc autem habuisse uxorem nomine Ethemeam, genere Nympharũ procreatam, quę cum desierit colere Dianam ab ea sagittis figi cœpit. Tandem a Proserpina uiuam ad inferos arreptam esse. Meropem autem desiderio uxoris permotum mortem sibi consciscere uoluisset. Iunonem autem misertam eius, in Aquilam corpus eius conuertisse, & inter sidera constituisse, ne si hominis effigie eum collocaret, nihilo minus memoriã tenens, coniugis desiderio mœreret. Aglaosthenes autem qui Naxica scripsit, ait, Iouem Crete surreptum, Naxũ delatum, & ibi esse nutritum, qui postquam peruenerit ad uirilem ætatem & uoluerit bello lacescere Titanas, sacrificanti ei aquilam auspicatam, quo auspicio usum esse & eam inter astra collocasse. Nonnulli etiam dixerunt Mercurium, alii autem Anapladem pulchritudine Veneris ductum, in amorem incidisse, & cum ei copia non fieret, animum, ut contumelia accepta, defecisse. Iouem autem misertam eius cum Venus Acheloo flumine corpus ablueret, misisse aquilam quę foccum eius in Amitenea Aegyptiorum delatum Mercurio traderet, quem persequens Venus ad cupientem sui peruenerit, qui copia facta pro beneficio aquilam in mundo collocauit.

Delphin.



Ic qua de causa sit inter astra collocatus Eratosthenes ita cum cæteris dicit, Neptunum quo tempore uoluerit Amphitritem ducere uxorem, & illa cupiens seruare uirginitatem, fugerit ad Atlanta, complures eò quæsitum dimisisse. In his & Delphina quendam nomine qui peruagatus insulas, aliquando ad uirginẽ peruenit, eiq; persuasit ut nuberet Neptuno, & ipse nuptias eorũ administrauit. Pro quo facto inter sidera delphini effigiem collocauit. Et hoc amplius, qui Neptuno simulachrum faciunt, delphinum aut in manu, aut sub pede eius cõstituete uidemus, quod Neptuno gratissimum esse arbitratur. Aglaosthenes autem qui Naxica cõscripsit, Tyrrenos ait fuisse quosdam nauicularios, qui Liberum Patrem puerum receptum, ut Naxum cum socijs suis comitibus transfectum, redderent nutritibus nymphis, a quibus eum nutritum, & nostri in progenie deorum & complures Græci dixerunt. Sed ut ad propositum reuertamur, nauicularii spe prædæ inducti nauem auertere uoluerunt, quod Liber suspicatus, comites suos iubet symphonia canere, qua

Deest, & aquilam quæ icur eius excedebat, sagittis interfecit, aut simile quidpiam

Amphybaoniam

quo sonitu inaudito Tyrtheni cum usq; eò delectarentur, ut etiam in saltationibus essent occupati, cupiditate se in mare inscii proiecerunt, & ibi delphini sunt facti: quoru cogitationem cum Liber memoriæ hominum tradere uoluisset, unius effigiem inter sidera collocauit. Alii autem dicunt, hunc esse delphina, qui Ariona cytharædū ex Siculo mari Tenarum transtulit, qui cum ceteros artificio præstaret, & circum insulas quæstus causa uagaretur, serui eius arbitrati, plus in perfidiosa libertate cõmodi, q̃ in placida seruitute esse, cogitare cõperunt, ut in pelagus domino proiecto, bona eius inter se partirentur, qui cum cogitationem eorum sensisset, petiit non ut dominus à seruis, sed ut innocens ab improbis, ut parens à filiis, ut se liceret ornatim, qua sæpe fuerat ueste, * quoniam nemo esset alius, ut ipse, qui suum, quæstum prosequeretur euentū. Quod cū impetrasset, cythara sumpta, suā cõcepit desistere mortē, quo sonitu ducti delphines, è toto mari pronatant ad Arionis cantum. Itaq; deorum immortalium potestate inuocata, super eos se deiecit, quorum unus Ariona exceptum pertulit ad Tenarium littus, in cuius memoriæ causam, quæ ibi statua est Arionis, in ea delphin simulachrum affixū uidetur, pro qua re inter sidera ab antiquis astrologis est figuratum. Serui autem qui se putarant seruitute elapsos tempestate Tenarum perducti, à domino comprehensi non mediocri supplicio sunt affecti.

*Cancere, uel simi
le uerbū deest.*

Equus.



Vnc Aratus & alii complures Pegasus Neptuni & Medusæ Gorgonis filium dixerunt, qui in Helicone Bœotia monte ungula saxū feriens, fontem aperuit, qui ex eius nomine Hippocrene est dictus. Alii dicunt: Quo tempore Bellerophontes ad Proctum Abantis filium Argiuorum regem deuenit, Antiam coniugem regis, hospitis amore inductam, petiisse ab eo uti sibi copiam faceret, promittens ei coniugis regnum, quæ cum impetrare non potuisset, uerita ne se ad regem criminetur, occupat eum sibi uim afferte uoluisse. Procto dicit, qui quod eum dilexerat, noluit ipse supplicium sumere, sed quod æquum esse sciebat, mittit eum ad Iobatem Antia reginæ patrem, quā alii Sthenobœam dixerunt, ut ille filia pudicitiam defendens Bellerophontem obiiceret Chimera, quæ eo tempore Lyciorum agros uastabat flamma, unde uictor profugiens post fontis inuentionem, cum ad cælum contenderet euolare, neq; longè iam abesset, despiciens ad terram, timore permotus decidit, ibi q; perisse dicitur. Equus autem subuolasse inter sidera ab Ioue constitutus existimatur. Alii non criminatū ab Antia, sed ne sapius audiret quod nollet, aut precibus eius moueretur profugisse Argis dixerunt. Euripedes autem in Menalippa, ipsam Menalippen Chironis Centauri filiam Thetin antea appellatā dicit, quæ cum aleretur in monte Pelio, & studiū in uenando maximum haberet, quodam tempore ab Aeolo Hellenis filio Iouis nepote persuasam concepisse, cum q; iam partus appropinquaret, profugisse in syluam, ne patri cum uirginem speraret nepotem procreasse uideretur. Itaq; cum parens eam persequeretur, dicitur petiisse à deorū potestate, ne pariens à parente conspiceretur, quæ deorum uoluntate, postq; peperit in equam conuersa, inter astra est constituta. Nonnulli eā uatē dixerunt esse, sed quod deorum consilia hominibus sit enunciata solita, in equam esse conuersā. Callimachus autē ait quod desierit uenari, & colere Dianam, in quam spetiem supra diximus, eam Dianam conuertisse. Hæc dicitur etiam hac re non esse in conspectu Centauri quem Chirona esse nonnulli dixerunt & etiam dimidiam apparere, quod noluerit scire se feminam esse.

Deltoton.

Hoc sidus uelut litera est græca in triangulo posita, itaq; appellatur, quod Mercurius supra caput Arietis statuisse existimatur, ideo ut obscuritas Arietis huius splendore, quo loco esset, significaretur, & Iouis nomine græce Dios primam literam deformaret. Nonnulli Aegypti positionem, Alii quā Nilus terminaret Aethiopiā esse et Aegyptum dixerunt. Alii Siciliam figuratam putauerunt. Alii quod orbem terrarum superi-

ores trifariam diuiserunt, tres angulos esse constitutos dixerunt.

Aries.



Hic existimatur esse qui Phrixum transtulisse & Hellen dictus est, per Hellepontum, quem Hesiodus & Pherecides ait habuisse auream pellem, de qua alibi plura dicemus. Sed Hellen decidisse in Hellepontu, et a Neptuno compressam, Peona procreasse complures, nonnulli Edonum dixerunt. Præterea Phrixum incolumem ad Aetam peruenisse, & arietem Ioui immolasse, pellem in templo fixisse, arietis ipsius effigiem ab Ioue inter sidera constitutam, habere tempus anni quo frumentum feritur, ideo quod ortu seuerit autem quæ maxime fugæ fuit causa. Et Erato sthenes ait, arietem ipsum sibi pellem auream dettaxisse, & Phrixo memoriæ causa dedisse, ipsum ad sidera peruenisse, quare ut supra diximus obscurius uideatur. Hunc autem nonnulli dixerunt in oppido Orchomenio quod est in Bœotia natu. Alii in Salonu Thessaliæ finibus procreatum. Alii dicunt Crethea et Athamantem cum aliis pluribus Aeoli filios fuisse. Nonnulli etiam Athamantis filium, Salomon esse Aeoli nepotem dixerunt, Crethea autem habuisse Demodicem uxorem, quam alii Biadicen dixerunt. Hanc autem Phrixi Athamantis filii corpore inductam in amorem incidisse, neque ab eo ut sibi copiam faceret impetrare potuisse. Itaque necessario coactam criminari eum ad Crethea coepisse, quæ diceret ab eo uim sibi penè allatam, & horum similia mulierum consuetudine dixisse. Quo facto Crethea ut uxoris amantem permouit Athamanti, ut de eo supplicium sumeret, persuasisse. Nubem autem interuenisse, & ereptu Phrixu et Hellen eius sorore in ariete posuisse & per Hellepontu quam longissime posset perfugere iussisse: Hellen decidisse & ibi debitum naturæ reddidisse. Ex huius nomine Hellepontum appellatum: Phrixum Colchos peruenisse, & ut ante diximus arietis interfecti pellem in templo fixisse. Ipsum autem a Mercurio ad Athamantem reductum, qui patri eius satisfecerit, eum innocentia confusum profugisse. Hermippus autem dicit, quo tempore Liber Africam oppugnauerit, deuenisse cum exercitu in eum locum, qui propter multitudinem pulueris Ammodes est appellatus. Itaque cum in maximum periculum deuenisset, quod iter necessario facere uidebatur, accessit eò ut aquæ maxima penuria esset, quo facto exercitus ad defectionem maximam uenire cogebatur, qui quid agerent dum cogitant, aries quidam fortuitu ad milites eorum errans peruenit, quos cum uidisset, fuga sibi præsidium parauit. Milites autem qui eum fuerunt conspicati, etsi puluere & aestu pressi uix progrediebantur, tamen ut prædam ex flamma petentes, arietem sequi coeperunt, usque ad eum locum, qui Iouis Ammonis postea templo constituto est appellatus. Quo cum peruenissent, arietem qui consecuti fuerant, nusquam inuenire potuerunt. Sed quod magis hic fuerat optandum, aquæ magnam copiam in eo loco nacti sunt, corporibusque recuperatis, Libero statim nunciauerunt, qui gauisus ad eos fines exercitum deduxit, & Iouis Ammonis templum cum arietinis cornibus simulachro facto constituit, arietem inter sidera figurauit, ita ut cum Sol in eius foret signo, omnia nascantia recrearentur, quæ ueris tempore fiunt, hac re maxime quod illius fuga Liber recreauit exercitum. Præterea. xii. signorum principem uoluit esse, quod ille optimus exercitui fuerit ductor. Sed de Ammonis simulachro Leon, quæ res Aegyptias descripsit ait, Cum Liber Aegyptum, & reliquos fines regno teneret, & omnia primus hominibus ostendisse diceretur, Ammonem quendam ex Africa uenisse, & pecoris multitudinem ad Liberum adduxisse, quo facilius & eius gratia uteretur, & aliquid primus inuenisse diceretur. Itaque pro beneficio ei Liber existimatur agrum dedisse, qui est contra Thebas Aegyptias, & qui simulachra faciunt Ammonis, eum capite cornuto instituunt, ut homines memoria teneant eum primum pecus ostendisse. Qui autem Libero factum uoluerunt assignare, quod non petierit ab Ammone, sed ultro ad eum sit adductus, simulachra illi cornuta faciunt, & arietem memoriæ causa inter sidera fixam dicunt.

Hic

Taurus.



ic dicitur inter astra esse constitutus, quod Europam incolumem transue-
xit Cretam, ut Euripides dicit. Nonnulli autem cum Io in bouem sit con-
uerſa, ut Iupiter ei fatiſſacere uideretur inter ſidera conſtituiſſe, quod eius
prior pars appareat ut tauri, ſed reliquum corpus obſcurius uideatur. Spe-
ctat autem ad exortum ſolem, cuius oris effigiem quæ continent ſtel-

læ Hyades appellantur. Has autem Pherecides Athenienſis Liberi nutrices eſſe demon-
ſtrat numero ſeptem, quæ etiam ante nymphas Dodonidas appellatas. Harum nomi-
na ſunt hæc, Ambroſia, Eudora, Pédilæ, Coronis, Polifſo, Phyleto, Thyenæ. Hæ dicuntur
à Lycurgo fugatæ, et præter Ambroſiam omnes ad Tetyim profugiſſe, ut ait Aſclepiades.
Sed ut Pherecydes dicit, ad Thebas Liberum perlatû, Inoni tradiderunt. Quam ob cau-
ſam ab Ioue gratia eis eſt relata, quod inter ſidera ſunt conſtitutæ. Hyades autem appella-
tæ ſunt, ut ait Muſeus, quod ex Adante & Platone Oceani filia, ſunt quindecim filia
procreatæ, quarum quinque Hyadas appellatas demonſtrat, quod earum Hyas fuerit fra-
ter à ſororibus plurimum dilectus, qui cum uenans a leone eſſet interfectus, quinque de
quibus ſupra diximus lamentationibus aſſiduis permotæ dicuntur interiſſe, quate eas
quod plurimum de eius morte laborarent Hyadas appellatas. Reliquas uero decem ſo-
rores deliberaſſe de ſorum morte, et earum ſeptem ſibi mortem conſciſſe, quare quod
plures idem ſenſerunt Pleiadas dictas, Alexander autem Hyadas ait dictas, quod Hyan-
tis & Bœotia ſunt filia. Pleiadas autem quod ex Pleione Oceani & Atlante ſunt natæ.
Hæ numero ſeptem dicuntur. Sed nemo amplius quam ſex uidere poteſt. Cuius cauſa
proditur hæc, quod de ſeptem ſex cum immortalibus concubuerunt, tres cum Ioue,
duæ cum Neptuno, una cum Marte, reliqua autem Sifyphi uxor demonſtrat. Quarum
ex Electra & Ioue Dardanum, ex Maia Mercurium, ex Taygete Lacedæmona procreatû,
ex Alcione autem & Neptuno Hyrea, ex Celeno Lycum & Nyctea natum, Martem au-
tem e. Sterope Oenomaum procreaſſe, quam alii Oenomai dixerunt uxore. Metopen
autem Sifypho nuptam, Glaucum genuiſſe, quem complures Bellerophontis parentem
eſſe dixerunt. Quare propter reliquas ſorores eius inter ſidera conſtitutam. Sed quia ho-
mini nupſit, ſtellam eius obſcuratam. Alii dicunt Electrâ non apparere, ideo quod Ple-
iades exiſtimentur choream ducere ſtellis. Sed poſtq̃ Troia fuit capta, et progenies eius
quæ à Dardano fuerit ſit euerſa, dolore permotam ab his ſe remouiſſe, & in circulo qui
arcticus dicitur conſtituiſſe, ex quo tam longo tempore lamentantem capillo ſparſo ui-
deri. Itaq̃ e factu cometem eſſe appellatam. Sed has Pleidas antiqui Aſtologi ſortum à
Tauro deſormauerunt, ut ante diximus, Pleiones et Atlantis filias, quæ cû in Bœotiam cû
puellis iter facerent, Oriona conatum uoluiſſe eis uim afferre, illas fugere cœpiſſe. Orio-
na autem ſecutum eſſe annis. xii. neq̃ eas inuenire potuiſſe. Iouem autem puellarum
miſertum inter aſtra conſtituiſſe, & poſtea à nonnullis aſtologis caudam tauri appella-
tam. Itaq̃ adhuc Orion fugientes eas ad occaſum ſequi uidetur. Eas ſtellas Vergiliæ no-
ſtri dixerunt, quod poſt uer exoriantur, & hæ quidem ampliorè cæteris habent hono-
rem. Quod earum ſigno exoriente æſtas ſignificat. Occidente autè hyems oſtendit, quod
aliis non eſt traditum ſignis.

Gemini.

Os complures aſtologi Caſtorè & Pollucè eſſe dixerunt, quos demonſtrant omnium
fratrum inter ſeamatiſſimos fuiſſe, quia neq̃ de principatu cõtenderunt, neq̃ ullâ rem
ſine cõmuni cõſilio geſſerunt. Pro quibus officiis eorum Iupiter inter notiſſima ſidera
eos cõſtituiſſe exiſtima. Neptunum autè pati cõſilio eos muneraſſe. Nã equos his quibus
utuntur donauit, et dedit poteſtatè naufragis ſaluti eſſe. Alii dixerunt Herculè eſſe et Apol-
linè, nonnulli etiã Triptolemum quæ ſupra diximus, et Iaſiona à Cerete dilectos, et ad ſidera
perlatos. Sed q̃ de Caſtore et Polluce dicunt, hoc amplius addunt, ut Caſtor in oppido Ari-
adnis ſit occiſus, quo tempore Lacedæmones cû Athenienſibus bellum geſſerunt. Alii autè cû op-
pugnaret Spartam Lynceus et Idas ibi periſſe dixerunt. Pollucè ait Homer. cõceſſiſſe fratri di-

g s midiam

Sic Ouis. Faſt.
Hoc alij ſignum
Phariū dixerunt
iuuēcū, Quæ bos
ex homine eſt,
ex boue facta
dea.

Hefiodus quinque
tantum Hyades nu-
merat. Νύμφαι
Χαρίτων, ὁμοῖαι
αὐτοῖς, καὶ ἰὼν
Κορωνίς, ἰὺσίφα
νόστis, Κλεισία, τὰ
ἴδιον, ἱμερόσαο
Ἐσδύρα τανύπε-
πλος, Νύμφαι ἅς
ἰαδῶς καλίσουσι
φύλ' ἀνθρώπων

Pleiades.

Vergiliæ

mediam nitam. Itaq; alternis diebus eorum quenq; lucere.

Cancer.



Ita dicitur Iunonis beneficio inter astra collocatus, quod cum Hercules contra hydram lerneam constitisset, ex palude pedem eius mordicus arripuisset, qua de te Herculem permotum eum interfecisse. Iunonem autem inter sidera constituisse, ut esset cū duodecim signis, quæ maxime solis cursu continentur. In eius deformationis parte sunt quædam qui asini appellatur, à Libero in testa cancri duabus stellis figurati. Liber em̄ à Iunone furore obiecto, dicitur mente captus fugisse per Thesprotiam, cogitans ad Iouis Dodonei templum peruenire, unde peteret responsum, quo facilius ad pristinum statum mentis perueniret, sed cum uenisset ad quandam paludem magnam, quam transire non posset de quibusdam duobus asellis obuuis factis, dicitur unum deprendisse eorū, & ita esse transuectum, ut omnino aquam non tetigerit. Itaq; cum uenisset ad templum Iouis Dodonei, statim dicitur à furore liberatus, & asellis gratiam retulisse, & inter astra eos collocasse. Nonnulli etiam dixerunt asino illi, quo fuerat uectus uocem humanam dedisse. Itaq; postea cum Priapo deo naturæ contendisse, & uictum ab eo interfectum, pro quo Liberum eius miserum in sideribus annuerasse. Et ut sciret id pro deo non pro homine timido (quia Iunonem fugerit) fecisse, supra cancrū constituit, qui deæ beneficio fuerat affixus astris. Dicitur etiam alia historia de asellis, ut ait Eratosthenes quo tempore Iupiter bello gygantibus indicto, ad eos oppugnandos omnes deos conuocauit, uenisse Liberum Patrem, Vulcanū, Satyros, Sylenos, asellis uectos, qui cum non longe ab ostibus abessent dicuntur aselli petimuisse, & ita pro se quisq; magnum clamorem & inauditum gygantibus fecisse, ut omnes hostes eorum clamore in fugam se conuerterent, & ita sint superati. Huius similis est historia de buccina Tritonis. Nam hic quoq; fertur, cū concham inuentam excuasset secum ad gygantes tulisse, et ibi sonitum quendam inauditum per concham misisse. Hostes autem ueritos ne quæ esset immanis fera ab aduersariis adducta, cuius esset ille mugitus, fugæ se mandasse, & ita uictos in hostium potestate peruenisse.

Leo.

Ita dicitur à Ioue constitutus, quod omnium ferarum princeps esse existimatur. Nonnulli etiā hoc aplius dicunt, quod Hercules prima fuerit hæc certatio, et quod eum inermis interfecit. De eo & Pisandrus & complures alii scripserunt, cuius simulacrum proximum est uirgini. Sed aliæ .vii. stellæ ad caudā leonis in triangulo collocatæ, quas crines Beronices esse Conon Samius mathematicus et Callimachus dicit. Cū Ptolemæus Beronice Ptolemæi et Arsinoes filiam sororem suā duxisset uxorem, et paucis post diebus Asiam oppugnatū profectus esset, uouisse Beronice si uictor Ptolemæus redisset se detonsuram crinem, quo uoto damnatum crinem in Veneris Arsinoes Confididis posuisse templo, eumq; postero die non comparuisse, quod factum cum rex ægre ferret, Conon mathematicus (ut diximus) cupiens inire gratiam regis dixit crinem inter sidera uideri collocatum, & quasdam uacuas à figura septem stellas ostedit, quas esse crinem fingeret. Hanc Beronice nonnulli cum Callimacho dixerunt equos alere et ad Olympia mittere consuetam. Alii dicunt hoc amplius Ptolemæum Beronice patrem, multitudine hostiū perterritū fuga salutē petisse, filiā autē læpe consueta in siluisse in equū et reliquā exercitus copiam constituisse, & complures hostium interfecisse reliquos in fugam coniecisse, pro quo etiam Callimachus eam magnanimam dixit. Eratosthenes autem dicit et uirginibus Lesbiiis dotē quæ cuiq; relicta à pariete nemo solueret, iussisse reddi et inter eos constituisse petitionē.

Virgo.

Hanc Hesiodus Iouis & Teidis filiam dicit. Aratus autem Ascre & Auroræ filiam existimat, quod eodē tempore fuerit, cū aurea secula hominū et eorū principem fuisse demonstrat, propter diligentiam et æquitatē, iusticiā appellatā, neq; illo tempore ab hominibus exteris nationes bello lacesitas esse, neq; nauigio quenq; usum esse sed

agris

Quidā Zephyri
ritidis legunt.
ego malē Chrysi
ritidis. Nam &
Plin. templum
arsinoës aureū
uolatū dicit lib.
37. ca. 8. De crisi
ne autem Beronice
apud eundem
est. libro. 2.
cap. 70.

agricolis colendis uitam agere cōsueuisse. Sed post eorū obitum qui sint nati minus officiosos, magis auaros cōpisse fieri, quare minus iustitiā iter homines fuisse cōuersatā. Deniq; eam peruenisse usq; eo dum diceretur, Heu heu genus hominum inatū. Itaq; iam non potuisse pati amplius, & ad sidera euolasse. Sed hanc alii Fortunā, alii Cererē dixerunt, et hoc magis non conuenit inter eos, quod caput eius nimiū obscurū uideē. Nonnulli etiā Erigonem Icarū filiā dixerūt, de qua supra diximus. Alii autē Apollinis filiam ex Chrysothemī natā et infantē Parthenon nomine dictā, eam q; quod parua interierit ab Apolline inter sidera collocatā. *Scorpius.*

Hic propter magnitudinem membrorū in duo signa diuiditur, quorū unius effigiem nostri libram dixerunt. Sed omnino totū signū hac de causa statutam assignatur. quod Orion cū uenaret, et in eo exercitatissimū se esse cōsideret, dixisse etiā Dianæ et Latonæ se omnia quæ ex terra oriuntur interficere ualere, quare Terrā permotā scorpionē eduxisse, qui eum interficere demonstrat. Iouem autē utriusq; animū admiratū, scorpionem inter astra collocasse, ut species eius hominibus documento esset, ne q; eorum de aliqua re sibi confideret. Dianā autē propter studiū Orionis petisse à Ioue, ut idem illi beneficiū daret petenti, quod terræ ultro tribuisset, Itaq; eū cōstitutū, ut cū scorpio oriat, Orion occidat. *Sagittarius.*

Hunc complures Centaurū esse dixerūt. Alii autē hac causa negauerūt, quod nemo centaurus sagittis sit usus. Hic autē quærit, cur equinis cruribus sit deformatus, & caudā habeat ut Satyri. Dicunt em̄ nonnulli hūc esse Crotum nomine, Euphemes mulatū nutricis filiū, ut ait Sositheus tragœdiarū scriptor eū domiciliū in mōte Helicone habuisse, et cū musis solitū delectari, nōnunq; etiā studio uenationis exerceri. Itaq; pro merita diligentia magnā laudē assecutū. Nā et celeritū in syluis & acutissimū in musis factū esse, pro quo studio petisse musas ab Ioue, ut in aliquo astrorū numero deformatē. Itaq; Ioue fecisse, ut cū omnia illius artificia uno corpore uellet significare crura eius equina fecisse, quod equo multū sit usus, et sagittas pro ingenio adiunxisse, ut ex his et acumen et celeritas esse uideret. Caudā satyricā in corpore finxisse, quod nō minus hic musis, q̄ Liber satyris sit delectatus. Ante huius pedes stellæ sunt paucae, in rotundo deformatæ, quas coronā eius ut ludentis abiectam nonnulli dixerunt.

Capricornus.

Huius effigies similis est Aegypti, quem Iupiter, quod cum eo erat nutritus in sideribus esse uoluit, ut capram nutricem, de qua ante diximus. Hic etiā dicitur cum Iupiter Titanas oppugnaret, primus obiecisse hominibus timorem, qui Panicos appellatur, ut ait Eratosthenes, hac etiam de causa huius inferiorem partē piscis esse formationē, quod muticibus id est maritimis conchilliis hostes sit iaculatus, pro lapidum iactatione, Aegyptii autem sacerdotes, & nonnulli poëtæ dicunt, cū plures dii in Aegyptum conuenissent, repente uenisse eodē Typhona acerrimum gyganta, & maxime deorum inimicum, quo timore permotos, in aliam figuram se conuertisse. Mercurium factū esse Ibin. Apollinem autē quæ Threicia uis est et grus dicit, Dianā cato simulatam, quibus de causis Aegyptios ea genera uiolari non sinere demonstrant, quod deorum imagines dicantur. Eodem tempore Pana dicunt in flumen se deiecisse, & posteriorem partem corporis effigiem piscis, alteram uero hirci fecisse, & ita à Typhone profugisse, cuius cogitatum Iouem admiratū effigiem eius inter sidera fixisse.

Aquarius.

Hunc complures Ganymedem esse dixerunt. Quem Iupiter propter pulchritudinē corporis ereptum parentibus deorū ministrū fecisse existimatur. Itaq; ostenditur ut aqua aliquō infundēs. Hegestanax autē Deucaliona dicit esse, qd' eo regnate tanta uis aquæ se de cœlo profuderit, ut cataclysmus factus esse diceret. Eubulus autē Cecropē demonstrat esse antiquitatē generis cōmemorās et ostendēs anteq; uinū traditū sit hominibus, aqua in sacrificiis deorū uos esse, et ante Cecropē regnasse q̄ uinū sit inuentum.

Pisces.



Iogenites Erithracus ait quodam tempore Venerem cum Cupidine filio in Syriam ad flumen Euphratem uenisse, et eodem repente Typhona gigante, de quo supra, diximus apparuisse. Venerem autem cum filio in flumen se proiecisse, & ibi figuram piscium forma mutasse, quo facto periculo esse liberatos. Itaque postea Syros quæ in his locis sunt proximi, destituisse pisces esitate, quod uereant eos capere ne simili causa deorum prælidia impugnet uideant, aut eos ipsos captare. Erato sthenes autem ex eo pisce natos homines dicit, de quo post dicemus.

Cetus.

DE hoc dicitur quod à Neptuno missus sit, ut Andromedam interficeret, de qua ante diximus. Sed à Perseo sit interfecus, propter immanitatem corporis, & illius uirtutem inter sidera collocatus.

Eridanus.

Hinc alii Nilum, complures etiã Oceanum esse dixerunt. Qui autem Nilum uolunt uocari, propter magnitudinem eius & utilitatem æquissimum esse demonstrant, præterea quod infra eum quædam stella sit clarius cæteris lucens, nomine Canopus appellata. Canopus autem insula flumine alluitur Nilo.

Lepus.



IC dicitur Orionis canem fugere uenantis. Nam cum ut oportebat eum uenatorem finxissent, uolere etiam hoc significare aliqua de causa. Itaque leporem ad pedes eius fugientem finxerunt, quem nonnulli à Mercurio constitutum dixerunt, ei quod datum esse præter cætera genera quadrupedum ut alios pareret, alios haberet in uentre. Qui autem ab hac causa dissentiunt, negant tam nobilem & tam magnum uenatorem, de quo et ante in Scorpionis signo diximus oportere fugi leporem uenari. Callimachum quoque accusari, quod cum Dianæ scriberet laudes eam leporem sanguine gaudere, & eos uenari dixisset. Itaque Oriona cum Tauro decertantem fecerunt. Leporis autem hanc historiam memoriæ prodiderunt. Apud antiquos in insula Æto nullum leporem fuisse, sed ex eorum ciuitate adolescentium quendam studio generis indutum, ab exteris finibus leporem foeminam prægnantem attulisse, & ad eius partum diligentissime ministrasse. Itaque cum peperisset compluribus eius ciuitatis studiū incidisse, & partim precio, partim beneficio mercatores omnes lepores alere coepisse. Itaque non longo interuallo tantam multitudinem leporum procreatam, ut tota insula ab his occupata diceretur, quibus cum ab hominibus nil daretur, in semina eorum impetu facto omnia comederunt. Quo facto incolæ calamitate affecti, cum famæ foret oppressi, communi consilio totius ciuitatis, uix denique eos abegisse ex insula dicuntur. Itaque lepore postea figuram in astris constituisse, ut homines meminissent, nil esse tantam exoptandum in uita, quin ex eo plus doloris quam lætitiæ capere postertius cogeret.

Orion.

Hinc Hesiodus Neptuni filium dicit, ex Euriale Minois filia natum, concessum autem ei ut super fluctus curreret, & in terra quemadmodum Iphiclo datum dicitur, ut supra aristas curreret, nec eas infringeret. Aristonicus autem dicit quendam Hyrea fuisse Thebis. Pindarus autem in insula Chio. Hinc autem cum Ioue & Mercurium hospitio recepisset, petisse ab eis, ut sibi aliquid liberorum nasceretur. Itaque quo facilius petitum impetraret, bouem immolasse, et his pro epulis apposuisse, quod cum fecisset, poposcisse Iouem et Mercurium, quod cornu de boue fuisset detractum, et quod fecerant utinam, in cornu infudisse, et id sub terra poni iussisse, ex quo postea natum puerum quem Hyreus est factum Vriona nomine appellauit, sed ueritate et consuetudine factum est ut Orion uocaret. Hic dicit Thebis Chium uenisset et Oenopionis filiam Meropen per uinum cupiditate incensus compressisse, pro quo facto ab Oenopione excæcatus, & de insula eiectus existimatur Lemnum ad Vulcanum peruenisse, & ab eo quendam ducem Cedalionem nomine accepisse quem collo ferens dicitur ad solem uenisse, & ab eo sanatus ut se ulcisceret Chium reuertisse.

Oenopio

Plinius in thebes
ca lepores nul-
los uiuere scri-
bit.

Aristomachus.

Oenopiona autē à ciuibus sub terra custoditū esse, quē postq̄ se inuenire posse desperaret Orion, in insulam Cretam peruenisse, & ibi uenari cōpissēcum Diana, & ei polliceri quæ supra diximus, & ita ad sidera peruenisse. Nonnulli autem aiunt, Oriona cū Oenopione propē nimia coniunctum amicitia uixisse, et quod ei uoluerit suum studium in uenando probare, Dianæ quoq; pollicitem, quæ supra diximus, & ita interfectum. Alii dicunt cum Callimacho, cum Dianæ uim uoluerit afferre, ab ea sagittis esse confixum, & ad sidera propter uenandi consimile studium deformatū. Ister autē dicit Oriona à Diana esse dilectū, & penē factum, ut ei nupsisse existimate. Quod Apollo cum ægre ferret, & saepe eam obiurgans, hoc fecisse, natantis Orionis longe caput solum uideri conspicatus, contēdit cum Diana, eam non posse sagittam mittere ad id quod nigrū in mari uideretur, quæ cum uellet in eo studio se maxime artificē dici, sagitta missa caput Orionis traiecit. Itaq; cum fluctus interfectum ad litus adiecisset, et se eum Diana percussisse plurimum doleret, multis eius obitum prosecuta lachrymis, inter sidera statuisse existimatur. Sed quæ post mortem eius Diana fecerit, in eius historiis dicemus.

Canis.

Hic dicitur ab Ioue custos Europæ appositus esse, & ad Minoa peruenisse. Quem Proctis Cephalū uxor laborantem dicitur sanasse, & pro eo beneficio canem munere accepisse, quod illa studiosa fuerit uenationis, et quod cani fuerat datum ne ulla fera præterite eum posset, post eius obitum canis ad Cephalum peruenit, quod Proctis eius fuerat uxor, quem ille ducens secum, Thebas peruenit, ubi erat uulpes, cui datū dicebatur omnes canes effugere posse. Itaq; cum in unū peruenissent, Iupiter nescius quod faceret (ut Histrius ait) utrunq; in lapidem conuertit. Nonnulli hunc canem Orionis esse dixerunt, et quod studiosus fuerit uenandi cum eo cane quoq; inter sidera collocatum. Alii autem Icarū canem esse dixerunt, de quo ante diximus, quæ multa proposita suos habent auctores, sed canis habet in lingua stellam unam, quæ ipsa canis appellatur. In capite autem alteram, quam Ius suo nomine statuisse existimatur, & Sition appellasse propter flammæ candorem, quod eiusmodi sit, ut præter cæteras lucere uideatur. Itaq; quo magis ea cognoscerent Sition appellasse.

Procyon.

Hic ante maiorem canem exoriri uidetur, sed à nonnullis Orionis esse existimat. Hac etiam de causa Procyonem appellatum, sed iisdem omnibus historiis quibus superior canis annumeratur.

Argo.

Hanc nonnulli propter celeritatem Argo dixerunt græce appellatā. Alii quod Argus eius fuerit inuentor. Hanc autem primam in mari fuisse complures dixerunt, & hac re maxime stellis esse figuratam. Hanc nauim factam Pindarus ait, in Magnesia oppido cui Demetrius nomen est. Callimachus autem in iisdem finibus ad Apollinis Aëlii templum, quod Argonautæ proficiscentes statuisse existimantur, in eo loco qui Pagasæ uocatur, ideo quod nauis Argo ibi primum compacta dicitur, quod est græce Pagasæ. Homerus hunc eundem locum in Thessaliæ finibus esse demonstrat. Aeschylus autem & nonnulli aiunt à Minerua quandam materiam loquentem eodem esse coniunctam, sed huius non tota effigies inter astra uidetur, diuisa enim est à puppi usq; ad malum, significans ne homines nauibus fractis pertimescerent.

Centaurus.

Hic dicitur nomine Chiron Saturni & Phyllire filius esse, q̄ nō modo cæteros centauros, sed hoies quoq; iusticia dicitur superasse. Aesculapiū et Achillē nutrisse existimat, pietate igi et diligētia effecit ut iter astra numerate, Apud hūc Hercules cū diuertiret, et simul cū Chirone sedēs sagittas cōsideraret, fert una eorū decidisse supra pedē Chironis et ita eū interfecisse. Alii autē dicūt cētaurū miratū qd̄ tam breuibus sagittis, tā magna corpora cētaurorū interfecit, ipsū cōtendere arcū conatū. Itaq; ex eius manu sagittā prolapsam

Deesse, nihil proficeret, uel simile uidetur.

Ouid. à Diana accepisse ait.

Ister.

Ut Lucianus in Dialogo, Deorū ecclesiā.

al. ualuisse.

prolapsam in pedem eius incidisse, pro qua re Iupiter eius misertus inter sidera eum constituit cum hostia quam supra aram tenens immolare uidetur. Hunc alii Pholon esse Centaurum dixerunt, eumque aruspicio præter cæteros plurimum et ualere. Itaque ad aram cum hostia uenire Iouis uoluntate figuratur.

Ara.

In hac primum dii existimantur sacra & coniurationem fecisse, cum Titanas oppugnare conarentur, eam autem cyclopas fecisse, ab ea consuetudine homines dicuntur instituisse sibi, ut cum aliquam rem efficere cogitarent, prius sacrificarent quam agere cœpissent.

Hydra.



Hac coruus insidere & crater positus existimatur, de qua hanc habemus memoriæ proditam causam. Coruus Apollinis tutela usus, eo sacrificante missus à fonte aquam puram petitur, uidit arbores complures ficorum immaturas, eas expectans dum maturescerent, in arbore quadam earum consedit. Itaque post aliquot dies coctis ficibus, & à coruo pluribus earum comelis, expectans Apollo coruum, uidit eum cum cratere pleno uolare festinantem, quo pro admissio eius dicitur, quod diu motatus sit Apollinem, qui coactus mora corui, alia aqua est usus, hac ignominia eum affecisse, ut quamdiu ficus coquerentur, coruus bibere non posset, ideo quod guttur habeat pettulum illis diebus. Itaque cum uellet significare sitim corui, inter sidera constituit crateram, & supposuit hydram, quæ coruum sitientem moratur. Videtur enim rostro caudam eius extremam uerberare, ut tanquam non sinat se ad crateram transire. et Histrus autem & complures dixerunt Coronidam Phlegyæ filiã fuisse, hanc autem ex Apolline Aesculapii procreasse. Sed postea Ischyn Elati filium cum eã concubuisse, quod cum uideret coruus, Apollini nunciasse, qui cum fuerit antea candidus, pro incommodo nuncio, eum nigrum fecisse, & Ischyn sagittis confixisse. De Cratera autem hanc historiã Philarchus scribit. In Chersoneso quæ confinis est Troiæ, ubi Protesilai sepulchrum statutum complures dixerunt, urbs Philagusa nomine dicitur, in qua Demiphon quidam, cum regnaret incidit eorum finibus repentina uastitas, & ciuium interitio miranda, quare Demiphonta permotus seruit mississe ad Apollinis oraculum remedium quærens uastitatis, responso autem dato, ut quotannis una de nobilium genere uirgo diis penatibus eorum immolaretur. Demiphon omniũ filias præter suas sorte ductas interficiebat, usque dum cuidam ciuium loco nobilissimo eorum nato, percoluit inceptum Demiphontis, qui negare cœpit de sua filia se passurum sortiri, nisi eodem regis filia coniecta essent, quo facto rex permotus, illius filiam sine sorte ducta interfecit, quod Mastusius nomine uirginis pater instanti tempore simulauit se patriæ causa non ferre ægre factum, potuisset enim postea sorte ducta nihilominus interficere, quod paulatim dies regi in obliuionem perduxit, Itaque cum se prope amicissimum regi pater uirginis ostendisset, solenne sacrificium se habere dixit, eumque & filias eius ad id conficiendum inuitauit, qui nihil aliter futurum suspicatus, filias antea misit, ut ipse occupatus in re ciuili postea ueniret. Quod cum exoptanti Mastusio accidisset, filias eius interfecit, & sanguinem earum cum uino in cratere mixtum aduenienti regi pro portione dari iussit, qui cum filias desideraret & quid his factum esse rescisset, Mastusium cum cratere in mari proiici iussit, quo facto mare quo ille proiectus est, memoriæ causa, Mastusium uocatum, portus autem adhuc crater dicitur, quam antiqui Astrologi stellis deformauerunt, ut homines meminissent, maleficium neminem temere lucrari posse, neque obliuionem inimiciarum fieri solere. Nonnulli cum Eratosthene dicunt, eum crateram esse quo Icarus sit usus, cum hominibus ostenderet uinum. Alii autem dolium esse, quo Mars ab Otho & Ephialte sit coniectus.

^a Ouid. .1. Fastor. addit coruũ una attulisse hydrũ quoque, et culpã moræ in illũ reiecit, tũque qui se remoratus fuisset.

^b In alijs legitur Mastusũ, nos ex Plinio Mastusium legendum duximus. uide lib. .4. cap. .xi.

Piscis

Piscis qui Notius appellatur.

Hic uidetur ore aquam excipere à signo aquario, qui laboratorem quondam Isim seruasse existimatur, pro quo beneficio simulacrum piscis & eius filiorum, de quibus ante diximus inter infra constituit. Itaque Syri complures pisces non esitant & eorum simulastra aurata pro diis penatibus colunt. De hoc Hegesias scribit.

De quinque stellis.

Reliquum est nobis de stellis quinque quas complures ut erraticas; ita planetas graeci uagos dixerunt. Quarum una est Iouis nomine Phaeton, quae Heraclides Ponticus ait, quo tempore Prometheus homines finxit, hunc pulchritudine corporis reliquis praestantem fecisse, cumque suppressere cogitaret, ut certum redderet cupidinem Ioui nunciasset, quo facto missum Mercurium ad Phaetontem, persuasisse ut ad Iouem ueniret, & immortalis fieret. Itaque eum inter astra collocatum. Secunda stella dicitur Solis quam alii Saturni dixerunt. Hanc Eratosthenes à Sole filio Phaetontem appellatam dicit, de quo plures scripserunt ut patris inscienter curru uectus inciderit terras, quo facto ab Ioue fulmine percussus, in Etidanum deiectus, à Sole inter sidera sit perlatus. Tertia est stella Martis quam alii Herculis dixerunt, Veneris sequens stellam, hac ut Eratosthenes ait, de causa, quod Vulcanus cum uxore Venerè duxisset & propter eius obseruantiam Marti eius copia non fieret, ut nihil aliud assequi uideretur, nisi suam stellam, Veneris sidus persequi, à Venerè impetrauit. Itaque cum uehementer eum amore incenderet, id significans, è facto stellam Pyroënta appellauit. Quarta stella est Veneris Lucifer nomine, quam nonnulli Iunonis esse dixerunt. Hunc eundem Hesperum appellari multis traditum est historiis. Hic autem omnium siderum maximus esse uidetur. Nonnulli autem hunc Aurorae & Cephalii filium esse dixerunt pulchritudine multis praestantem, ex qua re etiam cum Venerè dicitur certasse, ut etiam Eratosthenes dicit, eum hac de causa Veneris appellari, ex oriente sole & occidente uideri, quare ut ante diximus iure hunc & Luciferum, & Hesperum nominatum. Quinta stella est Mercurii nomine Stilbon, sed haec est breuis & clara. Haec autem Mercurio data existimatur, quod primus menses instituerit & prauidet siderum cursus. Euhemerus autem primam ait Venerem astra constituisse & Mercurio demonstrasse.

Saturni stella
ab alijs Phæton
uocatur, uide Ci
ce. 2. de na. Deo.

Circulus Lacteus.

Platerea ostenditur circulus quidam in sideribus candido colore, quae Lacteum esse nonnulli dixerunt. Eratosthenes autem Mercurio dicit infanti puero insciam Iunonem dedisse lac, sed postquam rescierit eum Maiae filium esse reiecit eum à se. Ita lactis profusi splendorem inter sidera apparere. Alii dixerunt dormienti Iunoni Hercule suppositum & experrectam ei quod supra diximus fecisse. Alii autem Herculem propter nimiam auiditatem, multitudinem lactis appetisse, neque in ore continere potuisse, quod ex ore eius profusum circulum signasse. Alii dicunt quo tempore Ops Saturno lapidem pro partu attuli iussisse ei lac praebere, quae cum pressisset mamam profuso lacte circulum deformatum, quem supra demonstrauimus. Nos autem omnium corporum deformationem dicere instituimus.



Clariss.